
ФАРҒОНАДА БОШҚИРДИСТОН РЕСПУБЛИКАСИ САВДО УЙИ ОЧИЛАДИ

Фарғона вилоятига Бошқирдистон Республикаси савдо ва истеъмолчилар ҳуқуқларини ҳимоя қилиш давлат қўмитаси раиси Алексей Гусев бошчилигидаги делегация ташриф буюрди.

Ташриф доирасида делегация аъзолари вилоят ҳокимининг ўринбосари М.Абдурахмонов ҳамда Савдо-саноат палатаси Фарғона вилояти ҳудудий бошқармаси бошлиғи О.Атабаевлар билан учрашди.

Самимий мулоқот жараёнида Фарғона вилоятида Бошқирдистон Республикаси савдо уйини очиш масаласи муҳокама қилинди. Шунингдек, икки томонлама ҳамкорлик алоқаларини ривожлантириш, келгусида амалга ошириладиган чора-тадбирлар режаси белгилаб олинди ҳамда Савдо-саноат палатаси Фарғона вилояти ҳудудий бошқармаси ва Бошқирдистон Республикаси Савдо-саноат палатаси ўртасида ҳамкорлик меморандуми имзоланди.

Шу билан бирга делегация вакиллари Фарғона вилоятида фаолият кўрсатувчи ишлаб чиқариш корхоналари, интенсив боғлар ва мева-сабзавотларни қайта ишлаш корхоналари фаолияти билан танишди.

Бундан ташқари, Бошқирдистон Республикаси ва Фарғона вилоятидаги “Uz-Segang” МЧЖ ҚК ва “Agro Service Asia” МЧЖ каби йирик логистика корхоналари ўртасида 9 та ҳамкорлик шартномалари имзоланди.

Ташкилий ва савдо-иқтисодий алоқаларни ривожлантириш мақсадида Бошқирдистон Республикаси жамоат овқатланиш уюшмаси ва Қувасой шаҳри ва Олтиариқ тумани ҳокимликлари ўртасида ҳам ўзаро ҳамкорлик шартномалари имзоланди.

Ташриф натижасида мева-сабзавот маҳсулотларини экспорт қилиш бўйича 3,2 миллион АҚШ доллари миқдорида шартнома имзоланди.

Фарғона вилояти ҳокимлиги Ахборот хизмати

Facebook, Telegram, Веб сайт, YouTube

2020-02-17 15:33:45